



UNIVERSITÄTS-
BIBLIOTHEK
PADERBORN

**Selectae Christiani Orbis Deliciae ex Urbibus, Templis,
Bibliothecis, et aliunde**

Sweerts, Pierre François

Coloniae Agrippinae, M. DC. IIX.

Tridentina.

[urn:nbn:de:hbz:466:1-69234](https://nbn-resolving.org/urn:nbn:de:hbz:466:1-69234)

 TRIDENTINA.

 IN TRIDENTVM IVL. CAES.
 SCALIGER.

Nobilis Italico qua prima vrbs imminet orbi,
 Ausonijs miscet Norica verba sonis.
 Romanum ingenium est, animus Germanus, acerba
 Vltio, si obducta est nube serena fides.
 Accipere à Veneto, cuius pars, milite leges
 Hac potuit; si non, & valet ipsa dare.

AD S. MARCVM.

DOROTHEAE TONNAE,

Pudicitia, prudentia, venustate, atque moribus
 insigni, vxori cariss. & bene meritæ Andreas Bur-
 gius Cremonen. eques, & Cæsar. Consiliarius, ma-
 ritus moestiss. pos. Vixit ann. xxx. M. II. D. 11.
 Obijt die decimo Octob. M. D. XX.

Quid gemis, heu, tanto felicia funera luctu?
 Turbantur lacrumis gaudia nostra tuis.
 Parce, precor, tristes questus effundere, vixi,
 Non erat in fatis longior hora meis.
 Immaturaperi; sed tu diuturnior annos
 Viue meos, coniux optime, viue tuos.

IBIDEM.

HIERONYMO SERIPANDO Card. Concil.
 Tridentini Legato, Christophorus Patavinus, So-
 dalitij Eremit. Magister P. O. S.

Vixit ann. LXX. M. V. D. XI.

Si quis

TRIDENTINA.

398

*Si quis honos tumuli quantum sol lampade lustras
Terrarum, calique tuum est, SERIPANDE, se-
pulcrum.*

D. O. M. S.

*Siste gradum, & tumulo flores insperge, viator,
Fausta que ter cineri verba precare sacro.
Tridentum Grudis à Casare missus Athenis,
Hic procul à patria conditus HASSELIVS.
Ab, fera mors! reducem potius strauisse decebat,
Aut prius Alpinus quam peteretur apex.
Diem, & locum, & natalem scimus:
fatalem nescimus.*

IN S. SIMONE MARTYRE.

*Forma, iuuenta, animus, vegetoq; in corpore virtus,
Spem dederant, longas viuere posse dies.
At nimis infasti rapior dum sidere fati,
Heu periere simul, forma, iuuenta, animus.
Sic solet exiguam spes vana eludere vitam;
Est aliquid, viuos sic meminisse mori.*


GEORGII FRONSBERGII
TYMVLVS.

*Ad eum modum armatus prælium conciuuit an-
te Papiam, Gallos cecidit, castra cepit, obsecros ex-
trema patientes seruauit.*

MEMORIAE DEFUNCT. S.

*GEORGIO FRONSBERGO Imper. decretis
Germanici exercitus Duci, qui per Tirolim defe-
ctionem colonorum compressit: per Liguriam &
regionem Transpadanam Italiae vrbes, populos
rebel-*

rebelles perdomuit: ad paludes Venetas & turrim vsque Mergeram victor accessit: ferro, & igni urbem terruit: socias ciuitates oppugnatas, exercitumque ad loca iniqua delapsum, ex hostibus confertis. obsidione quartum & quintum liberavit. vicies, plus minus, signis collatis pugnavit: fortitudine, celeritate, animo consilioque rebus inclinatis presentissimum se & inuictum praestitit. post ingentia facta vita perfuncto patri opt. Gasperius F. pientiss, gemens illachrymansque mon. more maiorum religiosè P. An. Christiano 1528. mens. Aug. 20. obiit diem. Vixit an. 54.



IN ZACYNTHO.

M. TVLLI CICERO HAVE, ET TV
TERTIA ANTONIA.

F Desiderius Lignamineus Patavinus scribit, se reperisse hoc Ciceronis Epitaphium, idque circa annum Christi M. D. XLIII. Adamus Tefellenius Louanientis in suo itineralio M. S. scribit, se contrectasse in Zacyntho, anno Christianae salutis MD. L. ipsius CICERONIS ossa, legisseque hoc Epitaphium

*Ille Oraturum Princeps, & gloria lingua
Romana, iacet hac cum coniuge TVLLIVS vni
TVLLIVS ille inquam, de se qui scripserat olim,
O fortunatam natam me Consule Roman!*

IN TEMPLO D. MARIAE.
ANDREAE VESALII Bruxellensis tumulus,